



## Universitätsbibliothek Paderborn

### Medvlla Theologica

Ex Sacris Scriptvris, Conciliorvm Pontificvmqve Decretis, Et Sanctorvm  
Patrvm Ac Doctorum Placitis Expressa ; In qua, quidquid tum ad fidei  
mysteria sanè ac rectè intelligenda, & ab erroribus quibusvis secernenda,  
tum ad sacramenta debitè conficienda & ministranda, tum ad actiones  
humanas iuxta ...

**Abelly, Louis**

**Coloniæ Agrippinæ, 1658**

IV. An Deus sit immutabilis.

**urn:nbn:de:hbz:466:1-38954**

se remanet infinitè à Deo distans, ac proinde omnino distincta, quod hīc obseruamus contra quoddam Wicleffii delirium, qui (vt notat Thomas Waldensis lib. I. Doctrin. fid. c. i.) asterebat propter illud esse, quod habent creaturæ in Deo, quamlibet creaturam esse & posse dici Deum; quod ipse ibidem refellit, tanquam non solum à veritate nostræ fidei, sed etiam à ratione naturali prorsus alienum.

Hinc etiam similiter refellitur Seruetus, qui eō usque insaniae progressus est, vt in epistol. 6. ad Calui. diceret Deum in lapide vere & propriè esse lapidem, in trunco truncum, & sic in alijs, oblitus nimirum Sap. 13. Quanto his dominator eorum speciosor est.

## SECTIO IV.

*An Deus sit immutabilis.*

Catholica Fide tenendum est Deum esse omnino immutabilem, id est omnis mutationis omnino experientem.

Probatur 1. ex scriptura: Num. 23. Non est Deus, ut filius hominis, ut mutetur: Malach. 3. Ego Dominus, & non mutor: S. Jacob. 1. Apud quem non est transmutatio, nec vicissitudinis obumbratio.

Probatur 2. ex S. Aug. in illa verba Psalm. 89. A seculo & usque in seculum tu es Deus, ubi sic loquitur: Non dicit Propheta a seculo, tu fuisti, & usque in seculo tu eris, sed presentis significacionis verbum posuit, insinuans Dei substantiam omnino modo incommutabilem, ubi non est, fuit, aut erit, sed tantummodo est; ad quæ verba appositi S. Bernardus serm. 31. in Cant. Tolle, fuit & erit, unde iam transmutatio aut vicissitudinis obumbratio?

Probatur 3. ratione, quia (vt ait S. Aug. epist. 10.) omnis mutatio aut in peius est, aut in melius; atqui Deus neque in peius, neque in melius mutari potest; ergo omnino mutari non potest.

Obiectio multa repetiri in scripturis, quæ mutationem aliquam

aliquam in Deo significare videntur: Genef. 6. dicit Deus. Pœnitet me fecisse hominem. Ierem. 18. Si gens illa egerit pœnitentiam à malo suo, agam & ego pœnitentiam super malo, quod cogitavi. Respondetur omnes istas & similes locutiones debere accipi figuratè & metaphoricè, in hisque Deum se nostro imperfecto concipiendi modo accommodare, ut significet ita se exterius gerere, ac si verè sententiam mutaret, cum tamen re verâ in se immutabilis perseveret, ac semper eodem modo se habeat; & haec facilis intelligi poterunt, sicutque evidentiora ex ijs, quæ dicentur, cum de operationibus ad intellectum & voluntatem Dei pertinenter agetur.

## SECTIO V.

## An Deus sit aeternus?

**A**ternitas communiter à Theologis definitur, interminabilis vitæ tota simul & perfecta possessio, quæ definitio desuntur ex Boëtio lib. 5. de conf. & ante Boëtium hanc attigit S. August. in Ps. 101. vbi dicit, quod in aeternitate nihil est præteritum, quasi iam non sit, nihil est futurum, quasi nondum sit; sed non est ibi, nisi, est, & lib. 2. confess. cap. 11. Quis tenebit illud (cor scilicet hominis) & affiget illud, ut paululum sit, & paululum rapia: splendorem semper stantis aeternitatis, & videat esse incomparabilem, & videat longum tempus non nisi ex multis prætereuntibus motibus, qui simul extendi non possunt, longum fieri, non tamen præterire quidquam in aeterno, sed totum esse praesens.

Ex quibus colligitur differentia duplex inter aeternitatem & tempus; prima, quod tempus principio & fine clauditur, aeternitas vero nec principium nec finem habet; secunda, quod tempus est in perpetuo fluxu, aeternitas autem tota simul est, nec ullam patitur successione.

Hoc breuiter prænotato, ad quæstionem propositam dicendum est Deus esse aeternum aeternitatemque solidissimam Dei esse propriam. Ita S. Th.

Hac